

ATIA a celebra su 70 aña di existencia den gran forma

ORANJESTAD - Diahuebs ultimo den un recepcion na Alhambra Ballroom, Aruba Trade and Industry Association (ATIA) a celebra su 70 aña di existencia. ATIA a wordo funda na aña 1945 cu e obhetivo principal pa proteha e interes di su miembronan, promove un ambiente comercial di calidad halto y un clima di inversion riba nos isla.

E anochi a habri cu palabranan di Sr. James Fazio, CEO di Aruba Airport Authority (AAA), sigui pa presidente di



ATIA, Sr. Michel Henriquez kende a refleha riba ATIA su 70 aña di existencia.

Durante e celebracion, ATIA a gradici su miembronan, miembronan di hunta di di-

rectiva y president di pasado pa nan aportacion y apoyo den e ultimo decadanan. ATIA a presenta un reconocimiento honrando Sr. Elias Fernando Mansur, miho conoci como "Don Mansur" pa su añanan di dedicacion y contribucion valioso como President di ATIA na añanan 1976 te cu 1978.

Por ultimo, director di ATIA Sr. Igmarr Reyes a duna palabranan di gradicimento na e comunidad comercial y tur cu a aporta y a pone confianza den ATIA. ATIA lo continua cu su aportacion na defini

un clima socioeconomico di Aruba y ta spera di sigui surpassa e expectativanan di su miembronan pa futuro.

E celebracion di 70 aña di aniversario a bay den un ambiente hopi ameno y a conta cu presencia di gobernador y varios president di pasado. ATIA kier gradici Aruba Airport Authority (AAA) pa haci e celebracion aki posibel.

ATIA ta situa na Pedro Gallegostraat 6, pa mas informacion tocante miembresia por yama 582-7593, bishita www.atiaruba.org of like ATIA su pagina riba facebook: www.facebook.com/arubatrade □